



ᑭᓄᓴᑦᑲᓄᑦ ᑲᓴᓴᓄᓴᑦᑲᓄᓴᑦᑲᓄᓴᑦ
Qulliq Energy Corporation
Société d'énergie Qulliq
Qulliq Alruyaqtuqtunik Ikumatjutiit

Tuhaqtitaujukhaq

Tuhaqtitauhainnaqtukhaq

Qulliq Alrujaqtuqtunik Ikumadjutiit nutaaq Nunavunmi tamaat alrujaqtuutinun akikhait

Nunavut-tamaat (Hikutirvia 1, 2022) – Qulliq Alrujaqtuqtunik Ikumadjutiit tuhaqtipkailiqtun nutaamik Nunavunmi tamaat alrujaqtuutinun akikhainik pauwatuqpaktunun. Nan'ngarijaujuq Craig Simailak, Minista Munarijaqtuq Qulliq Alrujaqtuqtunik Ikumadjutiit, aangitaat una ataano nutaat akikhait atulirlugin talvanga Tattiarnaqhilirvia 1, 2022:

- Kavamaungittunun iglunun akikhait taimaa 62 cents per kilowatt ikaarnimun
 - Ataani Nunavutip Alrujaqtuutinun Ikajuutikhanun Pinahuarut, tamaita kavamaungittun iglunun pauwatuqpaktun akiliqhivaktun 50 pusat uumanga Iqaluit akikhaanin (tadja 31 cents per kilowatt ikaarnimun) alrujaqtuutinun atuqtainun talvunga 700 kilowatt ikaarniit talvanga Qitiqautujuq 1 talvunga Apitilirvia 30 unalu 1000 kilowatt ikaarniit talvunga Tattiarnaqhilirvia 1 talvunga Qiqaijalirvia 31. Hunalikaak atuqtainun avatquttuq ikajuutikhamun pittaaqtamin akiliqtaujaani naunaiqhivaktun tamaat akikhaa atuqhugu. Nunami tamaat akikhainun naunaitkut pidjutaaniaqtuq akhut akituvallaangittumun pauwatuqpaktunun kia tatqiqhiutumun atuqpagainun avatquttumun nunami ikajuutikhaq.
- Kavamaungittunun havagvingnun akikhait taimaa 51 cents per kilowatt ikaarnimun
- Kavamatkunun iglunun akikhait taimaa 93 cents per kilowatt ikaarnimun
- Kavamatkunun havagvingnun akikhait taimaa 87 cents per kilowatt ikaarnimun

Mikhijuumijaami maniliqinikkut ajuqhautin uumanga akikhaanin aallan'nguqtumun tahapkununga kavamaungittunun iglunun havagvingnullu pauwatuqpaktunun, kavamatkun alrujaqtuutinun akikhait akikhijuumijun akiklijuumijaanginnik akikhanun kavamaungittunun pauwatuqpaktunun. Nutaaq haamlatkut taaksiutinun pihimajuq akia angiqtaujurлу aadjikkutaanun akikhainun uumanga kavamaungittunun pauwatuqpaktunun ihuirutinnaittumun maniliqinikkut pidjutinun nunamiutanun. Kuapaliisitkun angiqtaujun akikhijuumijaanginnun apqutinun qulliunun akikhainun taimaa 5 pusat.

“Una nutaaq nunami tamaat naunaitkutaat kangiqhidjuntaa tamaita pauwatuqpaktun aadjikkiiktumik pijun akiliqhinaqtun aadjikkiiktumun akikhaanik alrujaqtuutinun humilikaak nunaqaraluaqhutik,” uqaqtuq Nan'ngarijaujuq Craig Simailak. “Kavamatkut ihumaliurutaat hivuanun ikajuutikhanun pauwatuutikhanut ikajuutigijainun *Piliriqatigiinni*q unalu *Ikajuqtigiinni*q piliuqhugin aallan'nguqtiritin ihuatqijaujunun aadjikkiingnirmun Nunavunmiutanun akiliqhivaktunun akituvallaagttunik alrujaqtuutinun akikhainik Kanatami.”

“Nutaat akikhait pidjutiginaqtaat kuapaliisitkunun maniliurianginni pihimmaariami qajangnaittumik nakuujumiklu auladjutikhanun nunamun pikhamun akiliqhittaarianginnik uvaptingnin pauwatuqpektunun,” uqaqtuq Rick Hunt, QEC-kut Angjuqqaangat unalu, CEO. “Una pidjutaujuq naunaittumik ikajuutigijainin Nunavut Kavamanganin hivumun ikajuutikhaq maniliurnikkut Nunavunmi nunallaanun.”

###

Tuhaqtipkainikkut Uqarvigijakhaq:

Renee Boucher

Atanngujauullaktuq, Kuapuriisitkunni Tuhaqtipkaijini

Qulliq Alrujaqtuqtunik Ikumadjutiit

(867) 979-7524

rboucher@qec.nu.ca

Kangiqhidjutikhat

Akiluanguinun Uuktuutit

Tamainni akitutulaanginni uuktuutikhaq (GRA) apiqhijutaa aallannguqtiriami alruyaktuutinut akikhainut. QECkut tunihiyut GRAMik haffumunga Ministamun munaqhiyumut QEC-kunik ataniqtuidjutinin angiqtaujuq uvani Tattiarnaqhilirvia 21, 2022. Kinguliqpaamik ihumaliurutat talvuuna GRA malikhugu ihivriuttiaqtauhimayut Nunavut Igluin Aulatjutitigun Akitutulaanginnut Katimayiit (URRC) ukuallu inungnit qauyihaidjutainit.

Qanuq una pidjutaa tatqiqhiutumun akiliqtuidjutikhainun kavamaungittunun iglunun havagvingnullu pauwatuqpektunun?

Ataani aallan'nguqtirutin pinialiqtain kavamaungittunun pauwatuqpektunun Nunavunmi talvanga Tattiarnaqhilirvia 1, 2022.

Pidjutaanun kavamatkut ikajuutikhamun pinahuarutumun, igluqaqtunun pauwatuqpektunun tahapkuat auladjutigivaktainun iluaniittunun 700 kilowatt ikaarniit talvanga Qitiqqautijuq 1 talvunga Apitilirvia 30 unalu 1000 kilowatt ikaarniit talvanga Tattiarnaqhilirvia 1 talvunga Qiqaijalirvia 31 takuniaqtun akikhijuumidjutimun taimaa 1.5 cents per kilowatt ikaarnimun. Aadjikkiiktunun pauwatuqpektunun atuqpektun taimaa 500 kilowatt ikaarniit tatqiqhiutimi, una akikhijuuminiaqtun akiit akiliqtakhaujuq tatqiqhiutumun akiliqtakhanun naunaitkutainni taimaatun \$8.

Havagviujun pauwatuqpektunun Iqalungni takuniaqtaat akikhijuumidjut taimaa 2.5 cents per kilowatt (5 pusat) akikhidjutiginaqtun akikhainun akiliqtakhanun tatqiqhiutumun akiliqtakhanun naunaitkutainni by approximately \$52 (auladjutinun atuqtunun taimaa 2000 kilowatt ikaarnimun). Havagviujun pauwatuqpektun tamainni aallani nunallaani takuniaqtun akikhijuumijumik nutaamun nunami tamaat havagviujunun akikhaanun. Imaatun, Tikirarjuaq kingulliani akitutqijaujuq havagvingni pauwatuqpektun alrujaktuutinun akikhainik nunami. Havagviujunun pauwatuqpektunun uumani nunallaami takuniaqtun taimaa tatqiqhiutumun akiliqtakhanun naunaitkutainni akikhijuumijumun taimaa \$1,303 (auladjutinun atuqtunun taimaa 2000 kilowatt ikaarnimun) inmik tugliani tatqiqhiutumun akiliqtakhanun naunaitkutainni.

Aallanik ilitturipkaidjutikhanik QEC-kut nutaat alrujaqtuutinun akikhait, takulugu una www.qec.nu.ca.